

Педагогический работник профессиональной машиностроительной лоткей
кафедрой центра – «Тонаты 13.ру»

В. Ф. Рогожина, этнокультурной образовательной лабораторией вяти

(9 класс)

Экскурсионно-образовательный проектный эвристик (Роль экскурсионно-образовательных маршрутов)

2021 г. 1-е сентября ушел по моде «Пушкинская карта» проект, конань коряк 14 кизота савомок 22 кизоти модемс од ломатне могут якамс питнефтома культурной мероприятия: экскурсия, концерт, театр.

2021-2022 тонафнемань кизоти Россиянь Минпросвещения мярьгонди сувафтомс воспитания программатнеди образовательной событийне, конат лемтьф Российская Федерация государственной и национальной празднени-илатнеди, памятной дататнеди и стак тов. Мероприятияне етафтомста эрви (мярьгондеви) якамс научной, физкультурно-спортивной организация, а тяфта жа музейга, театра и стак тов.

Койсонк, образовательная организацияне эса экскурсионная деятельность тячи эрви мольфтемс сяди крхкаста-келиста. Этафнемс эрв кодама проект: экскурсионно-ботанический, учебный, экологический, религиозный и стак тов. Итнеди тяфтама экскурсияне кандыхть лама асу: содафтсазь странаньконь историянц, культуранц, обычаензон мархта.

Кда лемдемс учёнайхне, конат корхнесть экскурсионно-образовательный проектне эвристикон колга, то лятфтаськ синь и аф лама сёрматтама колгаст. Китькстасаськ и сян, што ся пингть тяфтама экскурсияда етафневоль кржа.

Нинге 1638 г. чешский педагог Я.А. Коменский корхнесть, што наглядность канни оцю лезкс тонафнемань и воспитания процесса. К.Д. Ушинский, рузонь учёнайсь и педагог, тяфта жа мярьгондсь, што география, история, природоведения, литература тонафнемста пароль ба шабатне савондемс экскурсияс.

Васенцекс, кие вятесе тя тевть итне мархта, ульсь И.Д. Якушкин декабрист (1794-1857 гг.). Сон этафнесть кизонда ботанический экскурсия, конатне пингста азондсь итнеди эрв кодама касыкснен колга, кочкесь-тиендсь гербарийхть.

Штоба кафедромс тонафнихне содамошисон Россия эрв наротне, а тяфта жа мокшэрзянь народть культуранц, содаф ломанензон колга, эрви образовательная организацияне эса этафнемс экскурсионно-образовательный проект.

Мезенди эрвихть тяфтама проектне?

Проектне цельна: кафедромс итне культурань и образовательный уровеньон, воспитандамс патриотизм, крхкалгафтомс итне

содамошиснон народоньконь историянц, традициянзон колга, касфтомс и крхкалгафтомс иттнень содамошиснон мастороньконь содаф ломанензон колга и стак тов.

Проекттнень задачасна:

- 1) тонафтомс макссема полной ответт кизефкснень лангс, арьсема-сёрмадома азкст-описаният;
- 2) касфтомс воспитательно-образовательнай процессть музейхнень, театратнень лезксснон вельде;
- 3) касфтомс иттнень корхтама маштомаснон, книгань лувомста выразительнай шить, крхкалгафтомс общекультурнай компетенциятнень;
- 4) тонафнемс народоньконь культурно-историческый традициянзон, няфтемс кельгомасть и марямс гордость шачема мастроньконь содаф ломанензонды.

Азсаськ, главнайсь, инь эрявикссь, экскурсиятнень эса – экскурсиянь вятить азондомац, няфтемс объектть, сонь мазышинц. Экскурсиянь вятись экскурсиять пингста мольфтьсы и тонафнемань, и воспитаниянь процессть.

Содаф сявок, што кода и педагогти (тонафтыти), станя и экскурсиянь вятити эряви ётафтомс эсь лацонь (определеннай) работа. Кочкамс-пуроптомс экскурсионный материал, тиёмс экскурсиянь план, пачфтомс экскурсиять колга информациять и стак тов. Тонафтыть эряви мяляфтомс ся, што музейсь аф аныцек кода нагляднай пособия тонафтомань процесса, но сонь пяк оцю воспитательнай ролец.

Китькстасаськ, экскурсиятнень оцю рольсна шабать кода личностть касомаса. Экскурсионнай работать целец – культурань и историять содамаса-кельгомаса. Экскурсиятне лездыхть пашкодемс эрь кодама задачат: касфтсазь содамошитнень, келептьсазь иттнень ванфксснон перьфпяльть лангс (кругозорснон), крхкалгофтсазь содамошитнень Родинаньконь историянц и культуранц колга, профессиятнень колга и стак тов.

Содаф, пингсь аф ащи фкя вастса, сон полафни. Тяни сяда лама эрь кодама техникада, конатнень вельде можна тиёмс и ётафтомс виртуальной экскурсият. Тонафнихнень мархта тиендемс видеопрезентацият. Тяфтама работать можна ётафтомс-тиёмс кода туристическый образовательнай маршрут, социальной проект. Содамошитне, конатнень тонафнихне сясвсазь-получасазь тяфтама проектонь тиёмста, лядыхть мялезост сяда ламос.

Тонафнемань кизоть песта школаса можна ётафтомс экскурсионно-образовательнай маршрутонь конкурс.

Кепотьксонди титяма экскурсионнай маршрутонь карта.

1-це остановкась. Шачема масторнязе-уженязе – сембода кельговикссь, сембода малась.

Тяса эряви кочкамс материал шачема велеть колга: мзярда сон тиевсь. Няфтемс шачема масторть мазышинц.

Иттненди максови задания: тиёмс кластер шачема велеть колга.



2-це остановкась. Якатама музейга.

Тяса эряви кочкамс материал музейхнень колга.

Содаф, аф сембе шабатне, конат эряйхть велеса, улендсть оцю ошса, якасть музейга, театрава. Пароль ба тяфтама иттнень сявомс каникулатнень пингста музеи. Но мекольдень пингть тяфтама возможностьта кржа пандемиять сюнеда. Сяс виртуальной экскурсиясь лезды касфтомс содамошитнень.



3-це остановкась. Искусствать мархта содафтомась.

Тяса эряви кочкамс материал искусствать колга. Кит минь художниконьке, кодамот синь картинасна, коса ётафневсть и ётафневихть художникнень выставкасна и стак тов.



4-це остановкась. Кивок апак юкстак, мезевок апак юкстак.

Тяса ётафтови виртуальной экскурсия. Сявовихть иттне Москву ошу.

Тон стяк, страна, тон, мастор, стяк!

Тон кепотть вии ройкс!

Фашисттнень каршес тюрема!


Фашисттнень каршес бойс!

«Дорога памяти» Музейнай комплекссь. Москву ошьсь.
<https://1418museum.ru/halls/> ссылкать коряс ванови тя комплекссь.



Тя музейнай комплекссь ащи «Патриот» паркса. Комплекссь строяф круга. Музейть кувалмоц 1418 аськолкс (или 1, 5 вайгяльбе). Тняра ши мошьсь Великой Отечественной войнась. Комплекса тиф «Галерея памяти», ков путфт войнаса участникнень фотографиясна.





Няфтеви Тядяти-Родинати памятниксь, кона Волгоград ошса.



Тя кунароль Модать лангс сась даволсь.
 Алятне сонь каршезонза стясть.
 Ся фашисттне шиньконь ликонц тавадсть.
 Павазоньконь келунянц утязь.
 «Тиграттнень-дракоттнень» эзда авардсть
 Ломаттне. Перьфпяле – толонь смерч.
 И стясть алятнень ёткс тядят-ават,
 И фкясь кеподсь вяри валда меч.
 Пешкодсь: «Воляшинкса, эсь иланкса
 Мон аф потан! Аяш фталу ятт».
 Тяфта кемоста стясь Модать лангса!
 Инголи, кле: яфодсь авань кядсь.
 Кфчядсь ёндол валда меченц песа.
 Тядясь терди. Тядясь – Модась-Руссь.
 Эводсь даволсь. Тядять-Модать эзда
 И прянь-пильгонь синнезь меки тусь. (Е. Тимошкин)

**Торбеева посёлкать маласа путф паятник-реалия – МиГ-17 самолётсь.
 Тя самолётсь стяфтф М.П. Девятаевонь фашистскый пленцта
 ворьгодеманцты.**


Торбеева посёлкаса панчф куд-музей Советскый Союзонь геройть, Михаил
 Петрович Девятаевонь, лемс.



Торбееваса панчф мокшень цёрати памятник. Торжественнай панжемаса ульсь Мордовия Республикань Оцюнясь А. Здунов.




Иттненди максови задания: тиёмс кластер памятникнень колга.



5-це остановкась. «Якстерь тяштенья» журналть шири инжикс. Книгатнень шири инжикс.

Тя маршрутть эса пароль ба иттненди азондомс «Якстерь тяштенья» журналть колга, конань тя кизоня юбилеец.

Тяфта жа пароль сявомс иттнень А.С. Пушкинонь лемса национальной библиотекав, кона ащи Саранск ошса.



Шарфтови мяль «Адста ворягодема» книгать лангс. Книга «Побег из ада».



«Адста ворягодема» книгать М.П. Девятаев сёрмадозе нинге 1960-це кизотнень пингста. Тя книгась одкус нолявсь аф весть. Сон – од ломаттненди мялям, штоба мзярдонга афоль уле стама кяжи, толу, вачеда пингсь.

Тяфта жа няфтевихть мокшэрзянь писательхнень книгасна, коса азондови М.П. Подвигонц колга. Мувихть стихотвореният, азкст. Кепотьксонди:

Мокшень цёрась, Девятаев лётчиксь,
Эряфть коряс шачем ширеть кельгсь,
Вестеньге Тонь лятфнемдот изь лотксе,
Нльне коста воляшиц ульсь нелькф. (С. Самошкин)

Цёранза Россиять

Эхи ламос марявсь
Родинав тумась!
Озафт кемонь ваймот,
Миша сонць пилотсь,
Ламос аф лийкстай мес

Врагонь самолетсь?
Вов ни азсть тревога
Откорьхнень кундамс.
Кемоннест синь озафт,
Озафт, штоб лийкстамс.
И моторсь увназевсь,
Масторсь ласькозь тусь.
Мишань «экипажец»
Туцять фталу куцсь.
Валса азсы кие
Тя отвагать, вийть?!
Цёранза Россиять
Родиназост лийсть. (А. Тяпаев).

С. В. Кинякин «Адста ворьгодема»
(Ётафтысь И. Рыжиков)

Макстама аф оцю пакш тя стихотворенияста.

Все дорожки заколодило —
Ни приметы, ни следа.
Глянешь в поле:
Где там Родина?
Только небо да вода, —
Полосой свинцовой стелется,
Как запретною межой.
И метёт,
Метёт метелица
Над клочком земли чужой,
Необжитой, неухоженной —
Не земля, а чистый ад.
Отдаленной, отгороженной —
Ни вперед и ни назад!


**5-це остановкась. Мольхтяма кинос.
«Девятаев» фильмась.**



6-це остановкась. Уженязень инь ару вастонза.

Тяса эряви кочкамс материал монастырьхнень, церькафнень, храмтнень колга.

(Экскурсионный маршрут «разорванное ожерелье/ Исторические храмы г. Саранска. Автор - Костерина Марина Николаевна, педагог дополнительного образования МУДО «Дворец детского творчества». Саранск, 2021 г.)



7-це остановкась. Содаф ломаненьконь масторса. (Великай предканьконь масторса).

Тяса эряви кочкамс материал ся ломаттнень колга, конат тисть оцю путфкс странасонк. Кепотьксонди можна азондомс С. Эрзянь колга, сявомс иттнень Ардатовский району Баева велев, няфтемс С.Д. Эрзянь лемса кудть-музейть.



Тяфтама проекттнень ётафтомасна касфтсазь тонафнихнень содамошиснон культураньконь, историяньконь колга.